


PROTESTATION no. 3 3
ET SERMENT SOLEN-
NEL FAICT EN LA COVR
de Parlement, par Monseigneur
le Duc de Mayenne.

*Le Lundy treZiesme iour de
Mars, 1589.*

Relong 18916

A PARIS,
Pour Pierre Cheuillot
Imprimeur.
1589.
Avec Permission.

2
LE LVNDY TREZIES-
me iour de Mars, l'an mil
cinq cens quatre
vingt-neuf.

 E iour toutes les Chambres
de la Court assemblees; Mō-
sieur le President à dit, ad-
dressant sa parole à Monseigneur le
Duc du Mayene Pair de Frâce, Lieu-
tenant general de l'Estat Royal &
Couronne de France. Puis que Dieu
à permis, soit par noz fautes ou au-
trement, les bons Catholiques ont
apprehendé l'establissement de la
Religion Catholique Apostolique
& Romaine, premierement par S.
Denys Apostre de la France, depuis
en accroissant entretenuë par les tes-
moignages de tant de gens de bien,
qui neantmoins ayant esté troublee

par les Arriës qui la molestoïët en fin
 la Religion Catholique Apostolique
 & Romaine, qui est le principal florin
 de la Couronne de France, est
 demeuree entiere contre toutes sectes.
 La crainte estât entree és cœurs
 des hommes par ces tragiques actes
 par les deux colonnes qui ont esté
 abbatues. Neantmoins la ruyne en
 tombera cõtre les executeurs, comme
 la mort de la cheutte de l'esprit
 Royal. Mais quelque fortune qu'il
 ait eu & couru n'a faict naufrage,
 comme accompagné de Iustice &
 raison. Tesmoing les Romois qui
 eurent recours à vn seul dictateur.
 Ces considerations entrerët en leur
 esprit afin de fuir la dissipation de
 l'estat.

En vostre absence mōseigneur, on
 a pris resolution d'auoir recours aux

Estats, sur la requisition qu'en a faite le Procureur general, Qui pour estre assemblez on a remis à vostre sage discretion, & du temps, & du lieu, & de la forme de l'induction & conuocation. Cependant, par provision pour l'vrgente necessité faillloit faire vn chef general de ceste vnion, pour commander aux armées, & à l'estat politique. Les forces dispersées peuuent tomber à neant: & estans en vne seule main, se pourroient mieux maintenir. A cecy chacun a ietté les yeux sur vous Monsieur, & par la voix du S. Esprit, & aduis vanime auez esté esleu, comme estant enuironné de science, vertu, auctorité & heur. Toutes ces parties concurrentes en vous. Car dès vostre ieunesse vous auez esté employé à endurer les sieges des vil-

les, les assieger, conduire armées générales en Guyenne, en Dauphiné: & acquis reputation non seulement des François, mais des estrangers, & iusques en Hongrie, avec vne felicité, accompagnée de pieté & desir de bien faire. Tellement que vous renant ces parties, n'y a eu difficulté en l'election, & tombez en la nomination de vostre personne, esperas que à l'exemple de voz mayeurs vous vous en acquitterez heureusement. Ceste compagnie, le Clerge, la Noblesse, & le peuple vous ayant esleu. Vous l'accepterez s'il vous plaist, & toute ceste compagnie vous en prie. La charge est honorable d'un costé, mais de l'autre est laborieuse & onereuse. Ceste charge vous corne aux oreilles tous les matins, afin d'auoir soing du gouuer-

nement, & de ce pauvre & miserable Royaume qui s'est ietté entre voz bras. Ceste charge vous est deferee pour en bien vser. Les loix & les braues gestes de voz peres vous l'enseignent. Partāt vous supplions d'embrasser ceste charge, & l'accepter de bon cœur. L'election qui esté faicte de vostre personne, precede de iugement, non de gratification, & vous supplions de faire regner la Iustice, reprimer les voyes de faict & violences *Ius, & vis*. L'autorisation del'vn est l'abolition de l'autre. Les Perses anciennement estoient loüez de leur obeyssance par iustes commandemens, qui attiroient à soy ceste obeyssance: esperans que vous aurez soing du peuple, vous requerons estre incitateur de vousmesmes par l'habitude prise en vous.

A quoy a dict le Seigneur Duc de Mayène, qu'il se iugeoit incapable de la charge, laquelle il sçait estre de trop grande importance, meritant trop plus grande capacité que Dieu n'a mis en luy. Toutesfois puisque les gens de bien l'auroient ainsi esleu, franchement portera la charge, pourueu qu'elle puisse apporter fruct à la conseruation de l'honneur de Dieu & bien public, & s'y employera iusques au dernier soupir de sa vie.

Vous iurez & promettez à Dieu, de maintenir la Religion Catholique. Apost. & Rom. embrasser la protection & deffense d'icelle enuers & contre tous, conseruer l'Estat Royal en son entier, l'autorité des Cours souueraines, les anciés establissemens de la Iustice, les Priuileges de l'Eglise & de la noblesse, garder & faire gar-

der les Loix & Ordonnances de ce Royaume, l'obeissâce deuë aux Magistrats, soulager le peuple, iceluy preseruer de foule, employer la force & puissance qui vous est cômise en l'honneur & gloire de Dieu, au bië & vtilité du Royaume, à l'asseurance des bons & terreur des mauuais, & se comporter ausurplus selonc que la grandeur importance de la charge le requiert.

Lors lediët sieur Duc de Mayenne se leua de son siege, & iura publiquement, & promist faire ce que dessus en telle sorte,

Je iure & proteste deuant Dieu, & deuât vous icy assemblez, de m'employer fidelement à l'executiõ de ce que dict est, iusques à la derniere goutte de mon sang, & prie Dieu m'en faire la grace.